

酒濡唇之力乎

幽冥錄孫鍾少時家貧種瓜瓜熟有三人來乞瓜鍾爲設瓜曰我司命也化白鶴飛去

陵陽沆瀣曼卿流霞

列仙傳陵陽子春食朝霞夏食沆瀣是夜半天地玄黃之氣也霞日初出青黃氣卽朝霞也

抱朴子項曼卿河東蒲坂人入山修道一日有仙人來迎到天上見紫府金牀玉几仙人飲以流霞一杯輒不飢渴忽思家爲帝所斥遂還河東呼爲斥仙人

明皇紫雲元之絳雪

道藏輯要

三洞羣仙錄

真

翼集四

宣室志唐明皇夢仙子十餘輩御卿雲下列於庭各執樂器而奏之其度曲清越殆非人世也及樂闋有一仙子前而言曰陛下知此樂乎此神仙紫雲曲也今傳授陛下爲唐正始音明皇甚喜卽傳教焉及寤以玉笛吹令習之盡得其節奏仙傳拾遺申元之不知何許人開元中詔至上都開元觀恩渥愈厚明皇與論道動移晷刻嘗命趙雲容侍元之茶藥意甚恭恪乘閑乞藥少許以延其生元之曰我無所惜但爾不久處世耳愈切懇告乃與絳雪丹一粒曰服此丹死必不壞但能大其棺廣其穴含以珠玉疎而有風魂不蕩空魄不淪譬百年外可以復生此爲太陰煉形之道後雲容從幸東洛